

千
金
方

十五下

備急千金要方卷第十五下

朝奉郎守常鄧秘閣鐘判醫聞檢院上護軍賜緋魚袋百林億等校正

熱痢第七

論一
方二十六首

脉證二十四條
灸法十首

論曰余立身已來二遭熱痢一經冷痢皆日日夜百餘行乃至移牀就廁其困篤如此但率意自治者尋手皆愈乃知此疾天下易治但中性之徒率情驕倨良藥苦口不能克已早餌朝遇暮過望其自差疾勢日增胃氣漸弱心力俱微食飲與藥皆不能進既不時愈便稱痢病難治斯皆自誤也學者須深達斯旨然此病隨宜服一物皆得差之惟須力意苦已服食以差為限則無不愈也又大須慎口味重者差後百日次者一月日所以常哀驕恣者不能自慎興言於此以為至慨矣古今痢方千萬首不可具載此中但撮其效者七八而已雖然弘之在人也何則陟釐丸烏梅丸松皮散等暴痢服之

何有不差其溫脾湯建脾丸方出下冷痢篇久下得之焉能不愈大

凡痢有四種謂冷熱疳蟲冷則白熱則赤疳則赤白相雜無復節度多睡眼澀蟲則純痢瘀血熱則多益黃連去其乾薑冷則加以熱藥疳則以藥吹灌下部蟲毒則以鹽法治之藥既主對相當痢者復自勉勵服餌焉有不愈者也

凡服止痢藥初服皆劇愚人不解即止其藥不服此特不可但使藥與病源的相主對雖劇但服不過再三服漸漸自知惟非其主對者本勿服也

凡痢病通忌生冷酢滑豬雞魚油乳酪酥乾脯醬粉鹹所食諸食皆須大熟爛爲佳亦不得傷飽此將息之大經也若將息失所聖人不救也

下利脉滑而數有宿食當下之

下利脉遲而滑者實也利爲未止急下之

金澤文庫

下利脉反滑當有所去下乃愈

下利不欲食者有宿食當下之

下利而腹痛滿爲寒實當下之

下利腹中堅者當下之

下利而譏語者腹內有燥屎宜下之

下利三部皆平浮一作按其心下堅者急下之

下利差至其年月日時復發者此爲下不盡更下之愈

風寒下者不可下下之後心下堅痛脉遲浮一作此爲寒但當溫之脉沈緊下之亦然脉大浮弦下之當已下利脉浮大此爲虛以強下之故也設脉浮革者因爾腸鳴當溫之

下利脉遲緊爲痛未欲止當溫之得冷者満而便腸垢

下利身軀疼痛急救裏諸溫之屬可與理中肆逆附子湯熱

藥輩

下利大孔痛者當溫暖之

下利腹脹滿身體疼痛者先溫其裏乃攻其表

下利清穀不可攻其表汗出必脹滿

下利氣者當利其小便

下利脉反浮數尺中自濇其人必清膿血

下利脉數而渴者今自愈設不差必清膿血有熱故也

下利脉沈弦者下重其脉大者爲未止脉微弱數者爲欲自止雖發熱不死

下利脉沈而遲其人面少赤身有微熱下利清穀必鬱冒汗出而解病人必微厥所以然者面戴陽下虛故也

下利有微熱而渴脉弱者今自愈

下利脉數有微熱汗出今自愈設脉緊爲未解

下利脉反弦發熱身汗者自愈

下利脉大浮弦下當已

下利舌黃燥而不渴胃中實下不止者死

下利後脉絕手足厥冷猝時脉還手足溫者生不還不溫者死
下利手足厥冷無脉者灸之不溫若脉不還反微喘者死少
陰負趺陽者爲順

凡六腑氣絕於外者手足寒上氣腳縮五藏氣絕於內者下
不自禁下甚者手足不仁也細尋取之萬不失一下病體略
例如此耳

素問曰春傷於風夏爲膿血凡下多滯下也夏傷於風秋必
洞泄秋多下水也患是令也夫積冷積熱及水穀實而下者
以大黃湯下之強人勿過兩劑皆消息息五六日更進一劑其
補腎湯不效者三兩日可進一劑

陟釐丸治百病下痢及傷寒身熱頭痛目赤四肢煩疼不解

協熱下痢或醫已吐下之腹內虛煩欲得冷飲飲不能消腹
中急痛溫食則吐乍熱乍冷狀如溫瘡或小便不利氣滿嘔
逆下痢不止方

水中陳釐五

漢中木防已六

紫石英三兩

厚朴一兩

隴西當歸四兩

黃連二兩

三歲醇苦酒半升

上好豉半升

右八味皆取真新者以苦酒二升漬防已極令潤出之留
苦酒置以利刀切防已厚令一分使厚薄悉等以板瓦覆
著炭火上以厚紙藉瓦上布成功防已著紙上訖從頭依
次反周而復始令色槁燥復瀆向餘苦酒中更出著瓦上
熬之如此盡苦酒止勿令火猛徐徐熬令極燥各擣下篩
畢都合擣千杵以餘二升苦酒漬豉一宿明日以瓦盆盛
之以一盆覆之蒸五升土下須土氣通流熟出之於盆中

研豉以新布絞取其濃汁如棗膏法以和藥擣三千杵頓
丸皆如水中雞頭子大分著數囊中懸令陰乾取燥乃更
盛著亟以蠟密封其際勿令見風塵此藥以三丸
爲一劑平旦以井華水服一劑晝服一劑暮服一劑皆
以水服之初服寧少食當鋪食水殮欲服藥若食飲消腹
中調和者日可一服若已差者二三日可一服消息以意
若病重藥力未行者但益服之日可四五劑或時下不止
者當復更增令腹中有藥力飲食消是其效也新服藥未
安調當水殮助藥力心中了然后可作羹臠但當冷食
之耳若有時不喜冷食者正是藥力盡耳復益服藥至一
宿許則復欲進冷也若欲不復藥者但稍溫食藥力自盡
矣服藥不必須強多飲水也自隨體調耳久下虛服之如

法禁熱食生魚猪肉蒜生菜酒緣酒發藥力令病者煩熱

也又禁辛物及諸肥膩難消物皆勿食也若有風病加防
風一兩人虛羸可加石斛一兩若宿有下痢腸胃損弱者
可加大一餘糧二兩半取石中黃軟香者若婦人產後疾
加石硫黃二兩小便黃赤不利加蒲黃一兩依方消息之
無不得效也

胡洽古舊有五石赤石脂白石英鍾乳
礬石井禹餘糧各四兩常以二月搘之

下痢熱諸治不差方

烏梅升

黃連

一斤金色者

右二味末之蜜和服如梧子二十丸日三夜二神妙
治積久三十年常下痢神方

赤松皮去上蒼皮切一斗爲散麵粥和一升服之日
三差即止不過服一斗永差三十年痢服之百日差
治熱毒痢苦參橘皮丸方

苦參

橘皮

獨活

阿膠

藍青

黃連

鬼臼

一作鬼箭羽

黃蘖

甘草

右九味等分末之以蜜烊膠和併手丸之如梧子乾之飲服十九日三稍加之卒下注痢者大良

治諸熱毒下黃汁赤如爛血滯如魚腦腹痛壯熱方

黃蘖

黃芩

升麻

石榴皮

各六分

白頭翁

寄生

當歸

牡蠣

犀角

甘草

各二兩

黃連

二兩

艾葉

三分

右十二味㕮咀以水六升煮取三升分三服

龍骨丸主下血痢腹痛方

龍骨

當歸

龍膽

附子

乾薑

黃連

羚羊角

各三

赤石脂

礬石

各一兩半

犀角

甘草

熟艾

各八銖

右十二味末之蜜和先食服如小豆十五丸日三加至二

十九

又方

牛角鰓

當歸

龍骨

乾薑

熟艾各三兩

附子

黃藥

赤石脂

芎藭

阿膠

厚朴

甘草

橘皮

芍藥

石榴皮各二兩

大棗二十枚

黃連五合

升麻一兩半

蜀椒一兩

右十九味㕮咀以水一斗三升煮取四升去滓內牛角鰓
末阿膠消以綿絞去滓分七服日四夜三無橘皮

治血痢方

蒲黃三合

乾地黃

桑耳

甘草

芒消

茯苓

人參

柏葉

阿膠

艾葉

各二兩

赤石脂

禹餘糧

黃連

各一兩

生薑

二兩

右十四味㕮咀以水一斗煮取四升分溫五服神效

治下雜血方

乾藍

犀角

地榆

各二兩

蜜合

右四味㕮咀以水五升煮取一升半去滓下蜜煎取五合

分三服此治熱毒蠱妙

治熱毒下黑血五內絞切痛日夜百行氣絕欲死方

黃連

一升

龍骨

白术

各二兩

阿膠

乾薑

當歸

赤石脂

各三兩

附子

一兩

右八味㕮咀以水一斗煮取五升分五服余以正觀三年七月十二日忽得此熱毒痢至十五日命將欲絕處此方

藥入口即定

治下血日夜七八十行方

黃連
黃蘖各四兩

右二味㕮咀淳酢五升煮取一升半分再服

白頭翁湯治赤滯下血連月不差方

白頭翁
厚朴
阿膠
黃連

秦皮

附子

黃蘖

茯苓

芍藥

各二兩

乾薑

當歸

赤石脂

甘草

龍骨

各三兩

大棗

三十枚

粳米

一升

右十六味㕮咀以水一斗二升先煮米令熟出米內藥煮

取三升分四服

治下赤連年方

地榆

鼠尾草各一兩

右二味㕮咀以水二升煮取一升分二服如不止取屋塵

水漬去滓一升分二服

古今錄驗方云
屋塵汁一小盃
服

又方

鼠尾草

薔薇根

秦皮

如無用榆皮代之

右三味等分咬咀以水淹煎去滓銅器重釜煎成丸如梧子服五六丸日三稍增差止亦可濃汁服半升

治大熱毒純血痢不可差者方

黃連陸兩咬咀以水七升煮取二升半夜露著星月
下旦起空腹頓服之卧將息即止不差加黃芩
二兩更作服之仍不差者以疳痢法治之

治下久赤白連年不止及霍亂脾胃冷實不消溫脾湯方

大黃

四兩

人參

甘草

乾薑

各二兩

附子

一枚
大者

右五味咬咀以水八升煮取二升半分三服臨熟下大黃與

後溫脾湯小異須大轉瀉者當用此方神效

治熱痢水穀方

黃連

阿膠兩

烏梅四

黃蘖一

梔子三十

右五味㕮咀以水五升煮取二升半分三服亦治匿神良
治下痢絞痛腸滑不可差方

黃連

兩六

阿膠

犀尾草

當歸

乾薑

六三

右五味㕮咀若大冷白多以清酒一斗煮取三升分三服
若熱及不痛者去乾薑當歸以水煮之

黃連湯治赤白痢方

黃連

黃蘖

乾薑

石榴皮

阿膠六三

當歸二

甘草一

右七味㕮咀以水七升煮取三升分三服

菝葜湯治因下空竭欲死滯下膿血日數拾行羸篤垂死老

少並宜服方

菝葜

黃蘖

黃連

龍骨

人參

乾薑

黃芩

桂心

芍藥

當歸

梔子仁

甘草

赤石脂

兩

大棗

枝十二

右十四味㕮咀以水五升煮取二升分再服不差滿三劑
此方主風虛冷痢最佳

女萎丸治熱病時氣下赤白痢遂成匿方

女萎

三分

烏頭

桂心

各四分

黃連

雲實

三分

藜蘆

三分

代赭

一分

右七味末之蜜和爲丸如梧子大服二丸大下痢宿勿食

清旦以冷水服之勿飲食至日中過後乃飲食若得藥力
明日更服如前亦可長服虛羸晝夜百行膿血亦差亦名雲
實丸

治赤白下痢大孔蟲生悉皆差此名聖湯方

鼠尾草兩

豉半升

生薑

梔子人

酪六

桃皮

握

右五味㕮咀以水七升煮取二升半分三服一本單用桃
皮以酒煮服之

治赤白滯下方

盛煎猪膏

証三

清酒

合五

右二味緩火煎十沸適寒溫頓服之取差止

又方

酒四升煮錢四十文取二升分三服

又方

亂髮雞子大燒末水服不過三服

治冷熱不調或水或膿或五色血者方

酢石榴五枚合殼子擣絞取二升汁服五合差止